

轉

漕

日

記

轉漕日記卷四

河間 李鈞 夢韶

四月十二日辰刻王曉林少宗伯同年樞來拜本月初

十日考差曉林奉派閱卷四書題窮則獨善其身二

句經題楚人伐鄭僖公四年賦得雁點青天字一行得書字五

言八詩題爲白香山句聞詩內有用墨豬者殊堪發

笑 飯後遣長班赴部投咨文遂赴棉花二條衢街

視相圃舍弟相圃自通州回患痔未愈鑿坡家叔丙垣

亦與同寓候秋試談良久同年戈德庵

其邁

宗人李

秬軒

俞通

兩農部與之比隣因往拜晤大雨忽至遂

回車甘霖滂霈更深始止余前著使粵日記凡沿

途接見者原載甚詳繼而刪去然萍水之蹤亦未可  
盡沒也故此行於酬酢諸節無不載入但京師人海  
故舊頗多若將往來通候者一一存識不惟筆不勝  
書竟成一本門籍矣豈不可噓擇其切近而有情事  
可紀者載之餘悉從畧

十三日往謁兩倉督順路拜客。宗人李燕軒吏部蔭

體素壯近頗清羸其積勞所致歟令弟新塘侍御純

余僚婿也去歲客游豫中詢近事甚悉歸至相圃處

晚飯妻兄齎小帆中翰承厚就往一談本年冊封琉

球小帆頗有浮海之思可謂壯哉。入夜復雨。

十四日巳刻新塘來拜畱與共飯本擬出門拜客雨聲

斷續抵暮弗止憚於跋涉矣。靜室垂簾晝寂寥芭

蕉窗外雨瀟瀟往來車馬紛如織愁煞春泥巷一條。

遣書役回汴帶家書

十五日拜客會者頗多吳西穀少京兆同年清鵬年五

十有二幡然一叟矣抵暮歸車殆馬煩不勝其憊小  
詩自嘲 未午出門去歸來日已晡豈惟勞僕馬先  
已辱泥塗倦眼生雲翳飢腸轉轆轤十年嘗此味還  
認舊時吾

十六日拜客亦多會晤

十七日辰刻張詩齡

十三日到京

來拜同赴吏部驗到詩齡

因押運三次引見事隸選司余以卓異引見事

隸功司功司漢掌印爲徐梅樵員外澤醇堂官是日

到者卓海帆少宰年丈秉恬也定於二十四日引

見在司遇湖北德安府保薦卓異方餘庵太守長慶

邀與共飯飯後謁前少司寇秀楚翹夫子堃余會試

座主惟夫子在都自引疾後優游林下十有餘年世

兄輩騰蹕功名英英競爽可謂全福相見之下溫語

纏綿不覺移晷退而拜客前江蘇臬司裕魯山同年

謙讀禮家居已逾百日而引疾不出謂余曰旗員百  
日服滿國朝定制余曷敢過之特以采薪而遂廬  
墓之情非得已也其詞婉矣黃昏歸寓往來棧簡  
亂如麻門簿官單細檢查才說這街都拜過續來又  
有兩三家

十八日在鹿進軒處早飯午後拜客前總漕朱蕉堂年

丈

爲粥

因病請假艱於步履而談興甚濃坐數刻始

得辭出在門人帥子文侍御

方蔚

處借高麗名臣傳

一部海外文章可廣聞見。王曉林請午飯。同席者

吳淪齋閣學。

其濬

毛芾村宮詹。

樹棠

李栢堂學士。煌

龍伯華編修。

瑛

巫雨池侍御。

宜禔

沈舜卿。

魏皆

張圖

南

頤雲

兩比部。莊琪園。

瑤

羅芙舟。

士芬

兩水部。暨吳

西穀戈德菴諸同年也。脫畧形骸。縱談無忌。可謂真率會矣。酒數行。潘芸閣學使亦請午飯。遂赴其約。談至更深而歸。

十九日。已刻姚玉峯比部請早飯。午後拜客。王曉林毛



芾村李栢堂巫雨池爲丁丑值年在芾村寓公請清  
談薄飲又至更深接包封知署中平安

二十日以應酬繁冗欲赴園靜攝數日因接包封料  
理公務並發家書航延半日不果行晚赴琉璃廠  
一游

二十一日飯後同晴臯赴園途中得句出郭廿餘  
里紅塵隔市闌徑鋪鶯卵滑墻砌虎皮斑村舍多臨  
水樓臺直到山御園欣在望計日觀天顏由

刻抵

園過前湖

俗名扇  
子河

新荷已滿潭矣。寓宮門西

一畝園內監楊姓宅。原爲刑部公寓。那文毅公

彥成  
家

君辛酉  
座主

題曰近光堂。楊監貨得其半。改名先迎堂。門

臨溪水。前後兩院。共十二楹。几淨窗明。精潔可喜。詩

以紀之。暫借陳蕃榻。臨渠室數楹。乍離塵市遠。不

覺夢魂清。境與三山接。園因一畝名。近光真得地。先

許湛恩迎。文毅公所書近光堂三字。楊監棄置

敝篋中。檢視精采煥發。可稱墨寶。卷而懷之。當不嫌

從者之廖也。晚與晴臯登臨河樓一茶。夜間已  
有白鳥。

二十二日辰刻吳淪齋來拜。飯後謁潘芝軒相國年丈。

世恩

王定九相國夫子。鼎並赴澄懷園謁少司馬祁

春圃夫子。

雋藻

夫子前爲庶常時主講保定蓮池書

院兼閱河間瀛洲書院試卷。余爲諸生時肄業其中。甚蒙激賞。每試輒冠其曹。然彼此未識面也。迨通籍後始行執贄禮。夫子謙退不居。知己之感。何能一日。

忘哉。拜吳淪齋暨翁二銘廷尉同年。心存徐惺庵學。

士。士芬。

杜芝農庶子。

受田

賈雲堂侍講。

楨

吳崧甫修

撰。鍾駿

諸君均已散直。晤談良久。時尙柳帖。翰苑無

不習之。譚稱清秘堂爲萬柳堂。南書房爲深柳讀

書堂。亦雅謔也。始食王瓜。

二十三日巳刻。鹿進軒來拜。畱早飯。定九夫子暨澄懷園諸君。以次來拜。午後雨。天氣驟涼。蓮舫舍弟偕前榮陽縣丁小泉明府。

嘉藻

來寓。將昏。雨少息。與小泉

晴臯蓮舫赴虎城看虎口占。此地真宜號虎牢。雄  
威久已歛咆哮。憐君失却深山勢。捲伏居然一睡貓。  
二十四日辰刻引見於勤政殿。得旨准其卓異。  
加一級。仍註冊回任候升。詩以紀恩。曠曠曉日  
肅朝儀。引奏重教叩玉墀。聖主垂裳勤政  
殿。仙郎簪筆考功司。來隨虎拜良堪幸。歸候鶯遷莫  
厭遲。隔日紫宸應召對。好端象笏更書思。是  
日同引見者。張詩舲照例回任。鹿進軒因獲盜以

同知升用。歸寓芝軒年丈暨軍機陳子鶴吏部同年。孚恩來拜託子鶴代備謝。恩摺飯後赴進軒處道賀。並拜軍機諸公。晤鄭春溪水部。喬林歸後詩舫春溪相繼來拜。坐談久之。小泉回城。晚與晴臯蓮舫赴昆明湖一眺。薇堂於午間來候。卽歸。

二十五日。吏部述旨。蓮舫回城。聯璧來園。

二十六日。寅刻。遞摺謝。恩卯刻。召見於勤政殿。垂詢押運及地方情形。奏對無悞。歸寓同李。

新塘齊小帆早飯。午後赴芝軒定九兩相國處辭。

行進城拜客。遂赴蔣丹林大鴻臚前輩祥墀之招。丹

林前輩哲嗣笙陔閣學立鏞文孫譽侯編修元溥一

門三世同列清華。時人榮之。此外惟杜石樵少宰瑞

芝農庶子筠巢編修翻亦祖孫父子竝列朝紳。可與

媲美。日夕出宣武門。辛酉年丈何仙槎大司空凌漢

李芝齡總憲宗坊卓海帆少宰。王雲榭倉督。馮厚田

學士芝趙菊言太常盛奎蔡聽濤太僕世松彭春農

大司成

邦騰

錢鏡軒比部

相

楊疊雲方伯

殿邦

請余

與詩舫暨新授貴州鎮遠府陸虹江太守同年  
元煇於春農邸舍拇戰藏闔談飲甚暢比散賓主俱陶然矣過詩舫寓少談而歸  
永雲樵司馬於昨日抵京知兵米兌竣幫船陸續回空

二十七日張幼軒太守前輩

翰

請於天和會館與新授

陝西興安府郭仲昭太守

維暹

同席李奕蘭

仙蟠

王

葆元

式和

兩中翰同年亦於此見招觀劇數折復赴



趙述園侍御前輩光祖之約與新授山西太原府遺

缺知府牛玉山太守鎮同席飯後拜客晚間毛芾

村吳西穀李栢堂龍伯華沈舜卿復在芾村寓公請

王曉林陪

二十八日祝蘅畦前輩慶蕃周芝臺祖培兩學士汪岱

青編修于泗各請早飯復與牛玉山同席飯後拜

客李滋園編修齒新暨新塘齊小帆小巖兄弟在

龍樹寺請午飯與聯璧晴臯偕寺初僅有蒹葭閣西

面無窗，不能看山。余舊有句云：最宜待月三更坐，只少看山一面窗。自出京後，迤西另建一樓，窗中列岫，滿目嵐光。張瀚山方伯年丈，岳崧題曰：看山樓可補。

從前之缺，廳南展寬數尺，菱蘆萬頃，青到欄前。頗饒勝概，壁間書畫，大半仍舊。惟添林少穆制軍前輩，則徐

題聯云：似聞陶令開三逕，來與彌陀共一龕。集成語故佳。殿楹又添湯敦甫冢宰前輩，金釗一聯云：何處

菩提，莫錯認庭前槐樹，無邊法藏，且笑拈閣外蘆花。

尤屬渾脫。余癸巳入都。嚴冬非游覽之時。不到此者。

將十年矣。酒牛高螺舟編修。人鑑相姚聖常比部

國房師

世兄。晏請晚飯。催邀數次。流連不忍去也。卽席成句。

十年不到此間游。又向招提駐紫騮。南牖拓開臨

水榭。西窗添建看山樓。情聯桑梓休辭醉。興寄蒹葭

不待秋。更有催符來召客。祇園未許久淹留。先螺

舟。繼聖常。次第赴之。席間陡作齒痛。是日德庵三次

作陪。已不勝其憊。而余可知矣。

二十九日。鐵仁山倉督暨同年受次農副憲。慶鄂心齋

學士

爾端

沈聽篁給諫

鏞

董子誥比部

基誠

王若溪

中翰

積順

在聽篁寓請早飯。復赴前湖南糧道胡觀

察

鏞

之約。飯後入城拜客。倭良峯學士仁請午飯。其

兄卽余門人愛春圃

仁也

新選國子監博士與之同寓

席間識錢

辰田侍御

福昌

歸路投刺

五月初一日辰刻。赴鴻臚寺謝恩。何仙槎趙菊言蔡

聽濤諸年丈。祝蘅畦前輩。復請余與詩於蘅畦寓。

詩於卽日出都。繼赴吳霽峯河帥前輩邦慶之約。飯

後入城拜客。復爲李燕軒所訂。席間倦不能支。入傍室小憩片刻。精神始復。

初二日。陳子鶴請早飯。與永雲樵同席。尙有數客。未盡識也。巫雨池莊琪園羅芙舟。暨李子畚農部銜經廖

鹿儕水部姓諸同年。公請於鹿儕寓。王曉林戈德庵

李秬軒暨賈運生編修臻朱紹庭成烈步香林際桐

兩侍御。孔集堂吏部慶鈺白幼迂農部謙卿趙卓峯

儀部鍾雁徐笑陸水部棟呂麟臺玉林郭舒士翹兩

中翰呂磻溪博士際揚諸同鄉公請於龍樹寺帥子

文德琴南愛春圃暨朱瀛山侍御溥郭葵臣編修道

陳卓堂駕部熙曾盧七橋比部同伯諸門人公請於

陶然亭陸積赴之罷宴已黃昏矣陶然亭原名江

亭康熙中工部郎江君藻所築爲休沐地其後都人

士日事宴游遂爲城南之勝自有龍樹寺以來壇坫

爲其所奪亭畔風光漸形寥落矣

初三日整頓行具擇於初六日出都。楚翹夫子世兄

毓庶常檢等請早飯與陸虹江暨成侍御明兩同年

同席餘未盡識飯後復與虹江赴同年張耕梅比部

停訓陶心江宗政惟輝沈松盟第陶查仙際堯兩中

翰之約

初四日辰刻聞報蒙恩升授山東督糧道先是恩漕

帥特亨額簡放葉爾羌參贊大臣陝西周方伯天爵

升署漕運總督本日楊桂山廉訪升授陝西藩司張

詩舲升授河南臬司遂遣是缺。飯後赴園謁潘

芝軒王定九兩相國並晤軍機諸公託陳子鶴代備謝。恩摺仍寓先迎堂聯壁蓮舫偕來。

初五日寅刻遞摺謝。恩卯刻。召見於勤政殿以

山東督糧道駐劄德州距河間在五百里內。奏請

迴避蒙。恩調補河南糧鹽道其山東督糧道以蔣

月川觀察調補。是日同。召見者新授開封府遺

缺知府費賡廷太守。庚吉。原任江蘇常州府李方赤



太守

璋燈

暨方餘庵郭仲昭兩太守也

奏事處吳

監餽角黍一盤皆方式

初六日寅刻遞摺謝 恩復蒙 召見自卓異引 見

後旬日之間三覲 天顏疊承 溫諭 聖恩高厚

感激難名恭紀以詩 纔荷遷除又量移 丹綸稠

疊沐 恩施漫誇繡豸膺新秩最好遷鶯返故枝

蕃資仰邀三接禮菲材難答 九重知太倉積貯和

羹具夙夜惟應慎乃司 午後入城應楚翹夫子之

名赤雲樵陪西正歸發家書

初七日賀者紛紛禮宜報謝拜過客又須重拜矣午

刻右安門外玉泉營翟舒堂茂才

錦璧門人

聯

招飲於尺

五山莊薇堂聯璧蓮舫咸預莊本貴家園亭賃直爲

宴游之地前歸德府恒心農太守

豫

愛其風景買作

墓田而割其一角爲小有餘芳以供游宴其內時加

扃閉非相識者不能入也卽席成句

大有山林趣

城南尺五莊池荷鋪作地岸柳列爲牆暇日開三徑

車濟言 卷四 三  
薰風醉一觴。隔離呼酒處。別圃有餘芳。歸與聯璧  
飲於王曉林寓。在坐者朱紹庭。步香林。戈德庵。李和  
軒。徐笑陸。諸同鄉也。覓句飛觴。賭飲甚闐。

初八日巳刻。求雲樵邀余與蓮舫。暨幕中諸君。游御河  
橋。天熱甚。余與薇堂先歸。聯璧晴臯。蓮舫日夕而返。  
是晚復承趙菊言年丈見招。同席者仍昨晚在曉林  
處。諸同鄉。

初九日。中丞因余在開封府任內。審結命盜重案。及

京控省控四百一十九案專摺保奏發摺時尙未

得余升信也

上以

臣鈞

業經升道蒙恩賞加一級因賀客亟須答拜

凡有宴會概行辭却盡日拜客

初十日辰刻赴鴻臚寺謝恩順路拜客毛伯雨副憲

式鄒

前視學畿輔運舫相圃一府學生一縣學生俱

蒙選拔感恩知己兼而有之彼此往還俱相左兩次  
招飲又以赴園辭覆是日始得一晤暢談移晷少

慰歉衷歸赴相圃處晚飯。

十一日。在文昌會館請楚翹夫子觀劇。永雲樵戈德庵

陪兼赴許青士太常前輩。乃濟及小門人吳吏部。保臨

之約。伶人有當場畫蘭者頗工秀。

十二日。姚伯昂少司寇前輩。元之相圃請早飯不獲。鄉試座主

辭飯後拜客。時承沛亭丁內艱並往唁之。

十三日巳刻赴吏科領憑口占成句。謂我赴新任我

已身帶印。謂我回舊任。又須領符信。是新是舊吾不

知既膺斯任勉爲之高深須効涓埃報豈爲鷓鴣借  
一枝事畢赴國史館一游與張綱堂侍讀日章

李雲浦

光涵

高南渠

樹勳

蔣譽侯三編修共飯公膳

盤餐仍是當年風味清談久之歸路拜客

十四日李雲浦請滙元堂觀劇不獲辭飯後拜客

十五日拜客已遍前江西撫軍韓三橋中丞

文綺

請午

飯不獲辭賓主兩人清談至晚

十六日辰刻甘肅延榆綏道汪鑑湖觀察同年

琳

以卓

薦入都來拜暢談久之。飯後移寓右安門外三官廟。留聯璧蓮舫。料理未了事件。三官廟以菘花爲業。佳卉甚蕃。爲士大夫宴游之所。余占其東偏一院。永雲樵司馬本日引見。得旨准其升授開封府鹽捕同知。始聞蟬聲。齒痛夜不能寐。十七日雨。花木如洗。室宇生涼。齒少愈而身作寒熱。有似感冒。終日偃息在牀。如此清景。惜不暇領畧也。始食茄。

十八日晨起。神氣清爽。齒疾亦愈。翟舒堂昆仲邀晚飯。歸途遇雨。臨德倉奏銷冊須於月內具。題署中送來用印外附家書。鈐印後交差局限七日專足送汴。

十九日卯刻。薇堂晴臯暨家人輩先發。辰刻聯璧蓮舫來晤。知行具已齊。定於明日就道。共飯而回。相圃來送。畱與晚飯。昨日考試京堂試差題爲股肱耳目論。賦得碧碧黃黃麥際天。得秋字五言八韻詩題爲楊誠



齋句謹擬一首。碧與黃相錯，黃借碧共稠。麥隨天際遠，天人麥間秋。疊浪騰霄畔，層雲接隴頭。色連春草長，影帶夕陽浮。金翠千塍富，丹青兩筆勾。無邊涵淨宇，有跡劃平疇。仁里新禾納，誠齋舊句留。早爲蒼赤計，盛世足來牟。

二十日辰刻，僧厨備齋，頗精潔。午刻行三十里，宿黃村。地屬大興時甫未正，聯壁蓮舫西初到。

二十一日寅刻行四十五里，于堊尖。地屬宛平又十二里渡

永定河古名無定河。一曰桑乾。又曰盧溝。俗曰渾河。發源於山西渾源州。至天津入海。色渾濁而性剽悍。消長靡常。畧與黃河相似。黃河惟蘭州城外有橋。故諺曰：天下黃河一道橋。此水止有盧溝橋。亦可云一道橋也。登舟成句。濁浪排空。日色昏濤。頭一線挾沙奔。行人錯認黃河渡。便擬揚帆下孟門。又六里過固安縣。又四十里宿曲溝。地屬固安固安漢曰方城。隋曰固安。今隸順天府。永定河道駐此。晉張華邑

人博極古今以文章名世贊伐吳功封廣武侯進司  
空著有博物志固安以北初刈大麥以南並刈小  
麥矣

二十二日卯刻行四十五里孔家馬頭尖

地屬新城

新城

漢曰新昌唐曰新城今隸保定府又四十里宿雄

縣雄縣漢曰易縣晉曰易城唐曰歸義五代曰雄

州宋於此設關以禦契丹今隸保定府余癸巳冬

自都歸里大雪失道更深始至店中窗無紙門無簾

以席蔽之。聯壁襪被未到。和衣而臥。其寒可澈骨也。  
回憶往跡。率成一絕。河鮮入饌。酒新筩。繞屋槐陰。  
翠欲流。猶憶前年歸路晚。三更風雪宿雄州。

二十三日辰刻行三十里。鄭州尖。地屬任邱任邱鮑朗如明

府。承熹來迂朗如前任河南宜陽縣。經余保薦卓異。

執弟子禮。自癸巳都門一晤。迄今五載。班荆道故。握手歡然。鄭本州治。唐開元中。因字形類鄭。改爲莫州。五代石晉割燕雲十六州。以賂契丹。鄭其一也。今

廢併入任邱。漢遼東太守公孫瓚爲袁紹所敗於此築城固守名曰易京。東坡送將官梁左藏赴鄭州詩至今父老哀公孫。蒸土爲城鐵作門。周扁鵲姓秦名越人。州人遇長桑君事之十年。遂精於醫。城東北有祠。每年四月香火甚盛。又四十里抵任邱。寓於邊氏外家。諸舅已歿。聯壁表兄竟爲家長矣。人事代謝爲之慨然。朗如明府來候。並送酒筵。任邱城爲漢中郎將任邱所築。因以其姓名名縣。西關有

任將軍墓卽邱埋骨處也。又大將軍任光封阿陵侯。

其故城在縣東北陵城村。邑前輩龐雪崖先生澄謂

縣以光得名。邱仍邱墓之邱。非人名也。似較前說爲

長。又漢吾邱壽王。邑人。官至光祿大夫。故別稱吾邱。

吾虞音相近。又訛爲虞邱。境內有虞邱臺。傳爲壽王

讀書處。漢韓嬰。邑人。文帝時爲博士。傳詩。與齊申培

魯轅固兩家並列學宮。今韓詩惟存外傳。邑西沙村。

其故里也。乾隆中賜名思賢村。三國魏邢顒。邑人。

爲平原侯植家丞。植頗疎之。庶子劉楨諫曰：君侯采  
庶子之春華，忘家丞之秋實。元魏邢邵，邑人。文章典  
麗，旣瞻且速。與溫子昇齊名。明邊大綬，邑人。爲陝西  
米脂令，掘岡賊和墓，歸里。京師陷，被執。至壽陽而逸。  
著虎口餘生錄。

二十四日，回拜朗如明府，並候諸親友。聯璧將謁選  
教職，不同赴河南矣。午間治具爲別。余贈以詩曰：莫  
怪相投勝漆膠，外家兄弟類同胞。儘饒宦海關心侶。

那及寒窗總角交。教澤君應希馬鄭。循聲我敢望歐包。男兒各奮桑蓬志。不必臨歧別淚拋。晚赴城隍廟觀劇。雖村歌社鼓。難語聲容。然聯臂嬉遊。猶是兒時興趣。不必紅氍毹上。月媚花嬌也。蓮舫於是日歸里。

二十五日。朗如明府邀余與聯璧。早飯清談過午。歸後以詩謝之。洛中自昔共蘭舟。過眼雲煙幾度秋。可喜故人逢鮑叔。又聞雅化播虞邱。情甘淡泊憐同調。



續奏循良契上游。東道感君風誼重。不辭稅駕暫勾留。朗如和曰。感公畧分說同舟。絳帳追隨已十秋。豸

繡新恩承。殿陛黿情私淑戴山邱。程門雪積欣

重立。梁苑雲停憶舊游。慚愧荒莊無報稱。高軒肯爲不才留。邊玉峯太親翁九鈞邀晚飯。仍與聯璧借

食間微雨。聯璧欲送余至河間。定於明日同行。

二十六日辰刻行三十里。辛中驛尖。

仍任邱地

朗如明府候

送於此。又四十里抵河間。家中平安。惟舍宇傾頽。不

堪棲止。余薄宦十年。尙無一瓦之覆。殊自愧也。與

壽田家叔少談家事。適獻縣陳四表伯。萊李子口陳

問亭表弟親家。承緒來候。邀與共飯。留表伯同聯壁

寓蓮舫宅內。回家感賦。衣錦欣從故里過。荒蕪

三逕近如何。堂前幾度迎。鸞誥門外依然設。雀羅

賀監同鄉情。悵惘晏嬰卜宅計。蹉跎誰家第宅更新

主。輸與吾廬閱世多。河間漢曰渤海。曰河間。隋唐

曰瀛州。宋曰瀛海。明爲河間府。國朝因之。九河

故道俱在府境。故曰河間。又全境無山。土人謂之無山府。漢景帝子獻王德分封於此。稽古崇儒。築君子館以招賢士。與韓嬰毛萇講求經術。故河間稱文獻之邦。武垣城在府城西南。漢武帝東巡至此。望氣者言有異女。訪之得趙氏。拜婕妤。是爲鈞弋夫人。生昭帝。瀛臺在城東南隅。傳爲馮道讀書處。高陽臺與瀛臺南北相望。蒲榮臺在府署後。有蒲甚勁。秦始皇東巡繫馬於此。漢龔遂爲渤海太守。勸農桑。

教民賣劍買牛賣刀買犢。漢毛萇，邑人爲獻王博士，作詩註世號毛詩。其故宅曰毛精壘。唐劉長卿，字文房，邑人，以詩名世。金劉完素，字守真，邑人，精於醫。著有原病式一卷，城東劉守村，其故里也。余原籍安徽泗州盱眙縣明岐陽王後也。世襲指揮公。諱雄。從成祖北遷，始家於河間郡城。

二十七日辰刻謁家祠，並候別院尊輩。飯後拜本

府哈問梅太守。忠阿本縣沈月海明府。如潮及郡城

文武各官並諸親友

二十八日赴西鄉祭掃先塋與村中父老席地一談旋赴高北村適王氏姪女家李子口適陳氏女家省視兩處均留飯歸已二鼓陳表伯於是日回獻邑二十九日哈問梅太守請早飯沈月海明府陪午後

在南園棗香書屋小憩園爲先曾祖惠州公所闢

書屋卽罷官後授讀處也迄今六十餘年老樹俱已朽蠹現經壽田家叔雜植花木尙未成陰余爲諸

生時肄業其中。撫景流連，感而成句。一脈井泉冽，  
幾叢花木蕃。最宜人跡少，不厭鳥聲喧。對此懷先  
澤，非徒賦小園。何時溫舊業，把卷謝塵樊。春臺堂  
叔祖請晚飯，食畢陣雨生涼。復赴南園一眺。

三十日由哈問梅太守處接大名府陶鳧薌前輩書，並  
兩疊前韻見寄，乃三月間信也。不煩驛使寄筠筒，  
疊韻吟成候雁通。旗鼓早應三舍避，藥韃合讓萬夫  
雄。關心隴畝思甘澤，得意帆檣趁好風。六義祇今留

訓詁粉榆先爲爵毛公。灌園心事託連筒。領郡新  
銜。綬半通。得句君如丁卯健。論年我愧甲辰雄。別來  
南浦懷卿月。錄就西征述祖風。同是玉皇香案吏。定  
應天上羨羣公。有感再疊。曰。靜坐漁磯理釣筒。仙  
源杳渺路難通。龍門有價酬元禮。狗監何人識左雄。  
未必妍媸淆藻鑑。任教屈曲學屏風。自天零雨崇朝  
事。錯把愆期咒社公。一勺清應倒碧筒。酸醜嗜好  
異苓通。看花夢得思前度。佞佛何充禮大雄。藥誤難

逢醫國手船輕休逞飽帆風散材合置蕭間地日炷  
爐香退自公 又其門人高君繼疇和曰醇醪心醉

對詩筒二十年來刺未通鸞掖簪毫推領袖羊城入  
鼓盡英雄隨車潤挹千村雨輓粟清餘兩袖風計日  
丹屏書上考豸冠先換黑頭公 命中先期決射筒

幾人蕊榜姓名通翻新花樣爭非孟依舊頭銜負薦  
雄故紙重鑽思化羽神山將到引迴風尖叉吟就敵

難穩一字師資感至公

壬午會試卷薦於黃惺溪夫子房中實觀察激賞而贊成



吳君

長卿

亦有和章不備錄。余疊韻答之。並寄高

吳二君。

消夏灣頭飲碧筒。錦鱗又得尺書通。琴心

疊奏情彌摯。鼓角三嚴氣益雄。望歲勞君作霖雨。移  
舟幸我遇迴風。仙源有路知重到。檣散何須感鄭公。

玉律宮商協鳳筒。河汾教下拜王通。詩壇定有傳

心秘。文陣都推命世雄。佳製恰宜薇盥露。丰標想見  
樹臨風。一函封付梅花使。附問青邱與駿公。沈月

海明府請晚飯候補縣劉明府

克邁

許明府

夢蘭

暨

捕廳黃少尉應中陪

六月初一日辰刻鮑朗如明府因公進郡劉許兩明府

暨經廳徐參軍沛然捕廳黃少尉公請於經廳署朗

如陪蔚林族叔祖請晚飯定於明日與蓮舫同赴

河南

初二日辰刻行朗如暨劉許兩明府徐參軍送於南關

王陳兩壻與麟姪送於關外三十里商家林尖地屬獻縣

又三十里抵獻縣赴陳家莊拜候陳氏表伯叔飯後

宿於南關旅寓。表兄弟輩來候。邑人盧激芳明府同年。經自河南奉諱歸里。亦來候。以天晚不及答拜。

獻縣漢曰樂壽。白景城金曰獻州。今隸河間府。獻王墓在東郊外。久里許。余幼時曾往游覽。前爲享殿。後爲寶城。荒草芊芊。斷碑橫路而已。五代馮道。邑人。歷事四姓十二君。自稱長樂老。封瀛王。明陳鉞。邑人。官右都御史。與王越同附中官汪直。所謂行兵仗此兩鉞者也。陳家莊乃其故居。余姻戚陳氏乃明尙

書陳瓚之後與鉞不宗。國朝紀文達公。明邑人。於

書無所不讀。四庫全書提要半出公手。詩文其緒餘也。由大宗伯參知政事。以清節著。王餘佑亦邑人。明諸生入國朝不仕。居易州之五公山。自號五公山人。從容城孫徵君。奇逢講學。能得其傳。

初三日卯刻行四十里富莊驛尖。地屬交河已見水程又四十里

宿阜城。阜城唐曰漢阜。今隸河間府。飯後與蓮

舫登城一眺。街市荒涼。有如村落。余戊子歲典試粵

東自富莊驛宿阜城途間風雨交加異常辛苦回首  
已十年矣不勝感喟

初四日寅刻行五十里景州尖

已見水程

城內有塔高十三

級傳爲高齊時所建諺云滄州獅子景州塔正定府  
的大菩薩同爲直隸巨觀望景州塔未見景州

城已見景州塔愈行看愈真倒向青天插日月相盪  
摩煙雲供吐納雉堞何森然裙腰圍一匝惟嫌寺宇  
卑難演三乘法我對如來發洪願稱此另爲建大刹

門列滄州鐵獅子，殿供正定大菩薩。又二十里過

劉智廟。

地屬景德兩州。

入山東界，又二十里渡運河，宿德州。

已見水程。時南糧船方過揚州三幫。張詩舲廉訪在省

未回，是否入覲，尙未奉到。批摺署道篆者爲濟南

府王中峯太守。

鎮

亦未到任。佛旗尉

貴

安參戎。明舒

自庵刺史。

化民

以次來候。飯後入城答拜，途中得句。

驅車又過鬲津城。風物依依似有情，不是粉榆隣

白社。那無霖雨及蒼生，文章未許開生面。山水端應

續舊盟多少兒童渾不解還騎竹馬遠來迎 雄縣

以南德州以北旱苗缺雨望澤甚殷

初五日寅刻行舒刺史送於郊四十里苦水舖尖仍德州地

又三十里過恩縣茶尖已見水程又三十里宿腰站地屬平原

平原卽趙平原君食邑今隸濟南府 漢東方朔

邑人待詔金馬門以詖諧得幸亦時有法言悟主三

國魏管輅邑人精易學通占相之術言輒奇中

初六日寅刻行四十里過高唐州又二十里新店尖仍高

唐地

高唐卽春秋齊穆孟姬爲陳氏所請之邑非宋

玉賦中之高唐也唐曰崇武五代曰魚邱今隸東昌

府 鳴犢河在州境內孔子將西見趙簡子聞殺寶

鳴犢臨河而返卽此 周綿駒州人孟子所稱善歌

者 過高唐州 温暎一線射朝陽車馬勞勞曉趨

裝正值行人怯長夏不煩神女下高唐綿駒里畔秋

禾秀鳴犢河邊蔓草荒遙望隔城孤塔影巋然也是

魯靈光

城內有塔

又六十里宿在平阮仲寅明府 烜輝



迂於郊復候於館。在平古曰重邱今隸東昌府。

在山原在城內僅如土阜後因修城取土剗爲平地矣。阮明府說周魯仲連邑人魏約趙帝秦仲連欲蹈東海死恥爲之民燕將拔齊聊城被譖不敢歸齊還攻之不下仲連射書城中爲陳利害燕將自殺唐馬周邑人客游都下代中郎將常何應詔陳便宜二十餘事上召與語大悅拜侍御史火色爲肩憶馬周仲連排難劇風流俗人不識名賢里艷說紅裙善

度議

初七日辰刻行。途間土脉舍滋。知於昨日得雨。秋禾甚茂。高粱已齊肩矣。六十里東昌府尖。渡運河入城。拜祝詒亭太守。慶穀托寄大名府陶鳧薌前輩書。運

河即會通河居臨清上游。僅隔四牖。現在河水驟長。糧艘

銜尾前進。本日方過興武九幫。東昌府首縣曰聊

城。即齊聊攝地。秦爲東郡。漢曰清河。唐曰博平。明爲

東昌府。國朝因之。古聊城在府西北。即魯仲連

射書處。

國朝傳以漸邑人。以順治丙戌科第一人。

及第。官至武英殿大學士。爲本朝開科狀元。又

四十五里。宿沙鎮。

仍聊城地

飯後與蓮舫村外納涼。

初八日卯刻行。三十五里。過莘縣。又十八里。十八里舖。

尖。

仍莘縣地

莘縣古有莘氏地。漢曰陽平。後周曰陽武。

唐曰莘州。今隸東昌府。宋王祐邑人。世有陰德。嘗

手植三槐於庭。曰吾後世必有爲三公者。蘇軾有三

槐堂記。子旦字子明。爲宋賢相。贈魏國公。謚文正。

又三十里。過朝城縣。途間泥水甚大。知亦於前日得雨。朝城。春秋齊桓公率諸侯朝周。爲會於此。故名。今隸曹州府。輿中作小詞遣悶。隴畔前宵新雨。沛泥痕。濺滿行人轡。夾道高槐。濃滴翠。堪醒睡。綠陰深處。蟬聲沸。隔水人家。村犬吠。炊煙縷縷。疎林內。頻問郵亭。將到未。紅日墜。幾聲牧笛。橫牛背。漁家傲又二十里。宿郭壇。地屬觀城觀城。夏少康所封邑也。隋曰觀城。今隸曹州府。

初九日卯刻行五十五里。濮州尖。又四十里宿董家口。

仍濮州地

濮州。纘瑱所都。故曰帝邱。春秋衛成公遷此。

漢曰鄆城。隋曰濮州。今隸東昌府。舜生於姚墟。卽

此地。歷山雷澤皆在境內。州以濮水得名。昔師延

爲紂作靡靡之樂。武王伐紂。師延投濮水死。後衛靈

公夜止濮上。聞鼓琴聲。召師涓聽而習之。師曠曰。此

亡國之音也。魏陳思王植初封鄆城侯。築臺於此。後

人稱曰陳臺。周計然州人。姓辛名研。少有心計。邀

遊海上號漁父。范蠡請見越王。研曰。越王烏喙狼步。不可共安樂也。漢汲黯。州人。武帝時由謁者遷主爵都尉。以嚴見憚。帝不冠不敢見。嘗曰。甚矣黯之戇也。又曰。古有社稷臣。黯近之矣。終於淮陽太守。晉吳隱之。州人。爲廣州刺史。以清節著。過貪泉。有句云。若使夷齊飲。終當不易心。過濮州作。顛頂遺墟不可尋。帝邱風會久銷沉。歷山當日躬扶耒。濮水何人夜聽琴。漢代直臣留勁節。鄴都才子矢芳音。荒城落日

迷禾黍。過客空牽弔古心。途中買梅子數枚。紅黃可愛。嘗之其酸沁齒。戲成一絕。止渴聊嘗數顆梅。寒漿酸沁齒牙來。知渠他日供調鼎。風味依然似秀才。州城以北泥濘難行。以南缺雨。

初十日卯刻行五十里。高莊尖。地屬荷澤。荷澤卽禹貢所

導之荷澤也。今爲曹州府首縣。店有女子題壁詩。頗近穠纖一派。錄之。清峭春寒料峭風。蝶裙香褪鬢雲鬆。生憎鄉夢愁邊斷。難捺相思酒樣濃。千里親庭

蓮色笑。十年夫婿各西東。彤奩寶鏡朝來啓。憔悴蘭  
香舊日容。款曰丙申暮春七日杜陵女史陸行北上  
宿此店中燈下感懷率題一詩於壁並書一紙交荃  
芳寄呈霞夢夫君鑒正書就已五鼓矣冷硯欲冰弱  
腕無力亂爬蛇蚓知不免爲方家嗤點也婢子翠煙  
小薇捧硯侍又六十里宿東明集地屬東明東明漢  
曰東昏莽改東明蕭寶卷所得侯封卽此地也今隸  
直隸大名府薄暮微雨旋止熱甚署中遣人來



迓。

十一日寅刻行六十里黃家集尖。

地屬長垣

考城縣席明府

雲

來迓。

長垣古爲匡邑。子畏於匡卽此。漢曰長垣。

今隸大名府。地有鶴城卽衛懿公養鶴處。

又五十

里渡黃河抵河南蘭儀縣署令潘明府。

第元在省未

回蘭儀廳張司馬。

承恩

暨縣丞尉等迓於河干宿柴

壩公館齊竹泉內姪。

恩銘

暨兒子。

長壽

先候於此。詢

知署中平安。

中丞遣官來迓。

蘭儀原爲蘭陽卽

古東明地隸開封府嘉慶二十四年河決儀封廳儀

封人請  
兒處

將廳治併入縣治改名蘭儀國朝張清恪

公伯行

儀封人公館卽在堤上河帥駐節處也後

有敞軒下臨陂池前蘭儀司馬鄒鍾泉同年建亭其  
中種蓮數畝現值盛開晚坐軒中遙望草樹蒼茫頗  
饒幽曠之致而荷香入座清沁心脾尤可滌除塵慮  
也入河南境後禾黍芄茂可慶豐年顧之色喜

接大名府陶鳧蘓前輩書以陸費玉泉觀察和章見

寄 料峭春寒殢藥筒。

時患肝疾初愈

愧難息影賦幽通。閉

門未許傾三雅。奪席還看角兩雄。

臧蘇太守與夢韶觀察倡和數疊原

韻

偶檢陳編留爪雪。

病中自檢舊詩

爭傳好句愈頭風。平生

御李心期在。驚坐無緣識孟公。

觀察過訪因病未晤

晚香堂

裏擘吟筒。津鼓聲中驛騎通。

觀察轉漕過天雄維舟信宿

讀畫愛

連牀上下。

太守精于鑒別積書畫甚富

飛鷁狂決劍雌雄。使君艘

牒清漳水。太守輜軒古魏風。

太守方輯畿輔詩傳

爲報長生喧

鼓吹。治平第一屬吳公。

太守詣東廣微祠禱雨立應

十二日寅刻行四十五里招討營尖

地屬祥符

祥符縣李叔

鯨明府

漢

來迓又二十五里城岡茶尖署開封府鄒

鍾泉太守同年來迓又二十里抵省城府廳州縣暨  
佐雜迓於近郊入城謁中丞暨朱蔭堂方伯署臬  
司開歸道張心階觀察於是日赴工差人往候回署  
叩見堂上兩大人仰見福履安康慈顏悅豫不勝  
欣慰卽於是日申報回任視事紀以詩曰不分頭銜  
竟卽真仔肩終付代庖人好乘蓬島迴風力重問桃

源舊日春蟻。悵尙期酬。聖主烏私幸。可慰慈親。虛  
舟去住真難料。宦海萍蹤有夙因。